

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historia Zaringo Badensis**

**Schöpflin, Johann Daniel**

**Carolsruhae, 1765**

XLIX.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

in villa, quæ dicitur *Westhalda*, curtem unam cum vineis, *Morswiler*, *Ufheim*, *Ramespach*, *Michelembach*, *Obervilre*, *Bratella*, *Gelterchingen*, *Durnen*, *Hülstein*, *Metten*, *Bladolzheim*, *Binningen*, *Magstat*, *Hutingen*, cum omnibus suis appendiciis &c. Testes autem in quorum præsentia hoc scriptum fieri mandavimus, sunt hi: Hermannus, Ep. Constantiensis, Ortliebus Ep. Basiliensis, Arditio Ep. Cumanus, Dux Welfo, *Bertholdus Dux Burgundia*, Odoacer Marchio de Stira, Ulricus Comes de Lenzburg &c.

Datum apud Ulmam, IIII. Kal. Augusti, A. Dom. Incarnat. M.C. quinquagesimo secundo, Indictione XV. regnante Friderico rege glorioso, Anno vero regni ejus primo.

---

 XLIX.

CHARTA CONCAMBII BONORUM INTER ABBA-  
TIAM S. PETRI ET BERTOLDUM DE RIET-  
HEIM FACTI.

---

 P O S T   A N N U M   M C L I I .
 


---

*Ex Rotulo S. Petri.*

**N**otum sit omnibus Christi fidelibus tam futuris, quam presentibus. quod Concambium quoddam cum Bertholdo de Rietheim fecimus. Siquidem quatuor ei manus ad *Afheim*, & unum apud *Vilingen* situm

dedimus. allodiumque ipsius apud *Houfen* vicissim suscepimus. Hujus vero rei pactio in *villa Vilingen* dicta, taliter est facta, ut quicumque eam interrumperet, XX. talenta *Duci Bertholdo* tribueret. In hac pactioe aderant testes idonei. in hac pagina subscripti. Conradus de Rondistal. Bertholdus. Sigeboto. Wernherus. Eberhardus de Vilingen. Sigefridus de eadem Villa. & frater ejus Rodolfus de Ascheim. Post hoc autem eandem pactioem Burchardus de Berno cum conjugē sua Ludinta. matre videlicet supradicti militis firmavit. atque quicquid sui juris in eodem allodio videbatur esse. apud *Pregin* super Reliquias Sanctorum illorum allatas dedit. his ita gestis. tandem eadem causa apud *Friburg* in presentia *Ducis Bertholdi*, hujus Monasterij advocati terminatur. & per ejus manum. allodium jam fati militis nobis delegatur. nostrumque predium illi in possessionem donatur. Hujus rei nobiles viri assuerunt, qui hanc viderunt, & audierunt. *Adelbertus frater Ducis Bertholdi*. Bertholdus de Lowinstein. Wernherus de Horinberc. Diethericus de *Rotinleim*. Item isti de *Clientibus Ducis* assuerunt. Wernherus de *Roggenbach*. Conradus de *Stouphin*. Burchardus de *Tonful*. Conradus de *Rinuelden*. & frater ejus Gerhardus cum alijs per pluribus. hæc videntibus & audientibus. Quidam vero miles Burchardus vocatus. ejusdem predij Dimidium mansum in eadem villa situm. & dimidium mansum apud *Velchilicha* positum. a supradicto milite Burch. de Berno in beneficium suscepit. quoadusque viveret. Huic quoque IIII. marcas. excepto uno quadrante dedimus. & prædictos mansus ab eo in pignus suscepimus.

Deinde supradictus miles Burchardus alteram dimidiam partem mansi, qui apud Velchilicha situs est nobis cum Domino suo Bertholdo de Rietheim dedit. & tres marcas absque uno quadrante a nobis accepit. Huic rei interfuerunt. Landoldus de Harthufin. Adelbertus & Nartwic de Hufin. & alter Adelbertus de nostra Familia.



## L.

FRIDERICUS I. IMP. CONFIRMAT DONATIONEM  
CURTIS BESIGHEIM MARCHIONI BADENSI HERMANNO III  
FACTAM A VIDELBERTA ABBATISSA  
IN ERSTEIN.

A N N O   M C L I I I .

*Ex Autographo Tabularii Bada-Badenfis.*

**I**n nomine Sancte & individue Trinitatis, Fridericus divina favente clementia Romanorum Rex Augustus.

Regia dignitas reipublice secundum veterum censuram. bene & congruè consulit, si, quod multorum fidelium affectio desiderat, perpetuo memoriali stabilire curabit. Quocirca omnium tam futurorum quam presentium solers noverit industria, qualiter tota ecclesia in Erstein Videlberta Abbatissa cum ceteris sororibus suis nec non Clericis ac Laicis atque totâ familiâ curtis *Basfneheim* jam dicte ecclesie à pie me-